

Na osnovu člana 18. stav 1. tačka b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 7. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 2/02, 28/03 i 15/05), a u vezi sa članom 33. Zakona o zdravstvenom osiguranju ("Službene novine Federacije BiH", broj 30/97 i 7/02), Skupština Kantona Sarajevo, na sjednici od 5. aprila 2006. godine, donijela je

ODLUKU

**O IZMJENI I DOPUNI ODLUKE O PROŠIRENOM
OBIMU PRAVA ZA KORIŠTENJE ORTOPEDSKIH
POMAGALA, LIJEKOVA,
MEDICINSKO-SANITETSKIH SPRAVA I
MATERIJALA ZA RATNE VOJNE INVALIDE SA
PODRUČJA KANTONA SARAJEVO**

Član 1.

U Odluci o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo ("Službene novine Kantona Sarajevo", broj 13/04) u članu 1. iza stava 1. dodaje se novi stav 2. koji glasi:

"Pojmovi "ratni vojni invalid" i "ratni vojni invalid-paralegičar", odnose se na oba spola".

Dosadašnji stav 2. postaje stav 3.

Član 2.

U članu 6. dodaje se novi stav 2. koji glasi:

"Sredstva po osnovu ličnog učešća - participacije za lijekove propisane ratnom vojnom invalidu, u smislu stava 1. ovog člana, snosi Ministarstvo."

Član 3.

U članu 9. iza alineje 3. dodaje se nova alineja 4. koja glasi:

"- ditropan tbl. 5mg".

U stavu 2. na kraju teksta, umjesto "tačke" stavlja se "zarez" i dodaju riječi: "lijek ditropan indiciran je kod urinarne inkontinencije i čestog nagona na mokrenje kod pacijenata sa nestabilnim mokraćnim mjehurom koji je uslovljen njegovom aktivnošću."

Član 4.

Članovi 10. i 12. se brišu.

Član 5.

U članu 16. Odluke, iza riječi: "Sarajevo", stavlja se "tačka", a ostali dio teksta se briše.

Član 6.

Član 17. mijenja se i glasi:

"Ministarstvo će u budžetu Kantona Sarajevo, osigurati finansijska sredstva, potrebna za pokriće troškova za zadovoljavanje proširenog obima prava ratnih vojnih invalida, a koja su propisana u članovima 8. i 9. ove Odluke.

Zavod zdravstvenog osiguranja Kantona Sarajevo će osigurati finansijska sredstva za obim prava na korištenje ortopedskih i drugih pomagala, koja su propisana Uredbom o obimu prava osiguranih lica na korištenje ortopedskih i drugih pomagala, endoproteza, stomatološko-protetske pomoći i stomatološko-protetskih nadomjestaka ("Službene novine Kantona Sarajevo", broj 13/04)."

Član 7.

Ova Odluka stupa na snagu ošnog dana od dana objavljivanja u "Službenim novinama Kantona Sarajevo", a primjenjivat će se od 1. januara 2006. godine.

Broj 01-05-14764/06
5. aprila 2006. godine
Sarajevo

Predsjedavajuća
Skupštine Kantona Sarajevo
Meliha Alić, s. r.

Na osnovu člana 18. stav 1. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), a u skladu sa članovima 2. i 3. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05) i Odlukom o standardnoj klasifikaciji djelatnosti u Federaciji Bosne i Hercegovine ("Službene novine Federacije BiH", broj 28/98, 36/98 i 47/98), Skupština Kantona Sarajevo, na sjednici od 5. aprila 2006. godine, donijela je

ODLUKU

**O USKLADIVANJU STATUSA PREDUZEĆA CENTAR
"SKENDERLIJA" D.O.O. SARAJEVO SA ZAKONOM O
JAVNIM PREDUZEĆIMA U FEDERACIJI BOSNE I
HERCEGOVINE**

I - OSNOVNE ODREDBE**Član 1.**

Ovom Odlukom Osnivač Kanton Sarajevo, ulica Reisa Džemaludina Čauševića br. 1 (u daljnjem tekstu: Osnivač) uskladuje oblik, firmu i način upravljanja Centar "Skenderija" d.o.o. Sarajevo sa Zakonom o javnim preduzećima u Federaciji Bosne i Hercegovine (u daljnjem tekstu: Zakon), utvrđuje visinu osnovnog kapitala, vrši usklađivanje djelatnosti Preduzeća u unutrašnjem prometu u skladu sa Odlukom o standardnoj klasifikaciji djelatnosti u Federaciji Bosne i Hercegovine i vrši upis prava obavljanja vanjskotrgovinskog poslovanja u skladu sa Zakonom.

Član 2.

Preduzeće Centar "Skenderija" d.o.o. Sarajevo djelovat će kao društvo sa ograničenom odgovornošću (u daljnjem tekstu: Preduzeće).

Član 3.

Preduzeće je pravni sljednik Centra "Skenderija" društvo sa ograničenom odgovornošću Sarajevo, registrovanog Rješenjem Kantonalnog suda u Sarajevu broj UF/1-5183/00 od 4. 9. 2000. godine i ima svojstvo pravnog lica sa pravnom i poslovnom sposobnošću.

Član 4.

Preduzeće obavlja djelatnost sa imovinom koja mu je data na upravljanje, a koja je cjelokupno vlasništvo Osnivača.

II - FIRMA I SJEDIŠTE PREDUZEĆA**Član 5.**

Preduzeće će poslovati pod firmom: Kantonalno Javno preduzeće Centar "Skenderija" Društvo sa ograničenom odgovornošću Sarajevo.

Skraćeni naziv: KJP Centar "Skenderija" d.o.o. Sarajevo.

Član 6.

Sjedište Preduzeća je u Sarajevu, u ulici Terezija bb.

Član 7.

Preduzeće ima pečat okruglog oblika u kome je ispisan puni naziv firme i štambilj četvrtastog oblika, koji sadrži puni naziv firme, a služi za ovjeru prijema podnesaka (akata).

Vrstu pečata i štambilja, način upotrebe i čuvanje utvrdit će se općim aktom koji donosi Uprava Preduzeća.

III - DJELATNOST PREDUZEĆA

Član 8.

Preduzeće obavlja djelatnost i to:

45.11	45.110	Rušenje građevinskih objekata i zemljani radovi
45.211		Visokogradnja
45.212		Niskogradnja
45.213		Održavanje objekata visokogradnje, niskogradnje i njihovih dijelova
45.22	45.220	Podizanje krovnih konstrukcija i pokrivanje krovova
45.31	45.310	Elektroinstalacijski radovi
45.32	45.320	Izolacijski radovi
45.33	45.330	Postavljanje instalacija za vodu, gas, grijanje, ventilaciju i hlađenje
45.34	45.340	Ostali instalacijski radovi
45.41	45.410	Fasadni i štukaturni radovi
45.42	45.420	Ugradnja stolarije
45.43	45.430	Postavljanje podnih i zidnih obloga
45.44	45.440	Farbarski i staklarski radovi
45.45	45.450	Ostali završni radovi
52.11	52.110	Trgovina na malo u nespecijaliziranim prodavnicama pretežno hranom, pićima i duhanskim proizvodima
52.12	52.120	Ostala trgovina na malo u nespecijaliziranim prodavnicama
52.21	52.210	Trgovina na malo voćem i povrćem
52.24	52.240	Trgovina na malo hljebom, pecivom, kolačima, tjesteninom, bombonima i slatkišima
52.25	52.250	Trgovina na malo alkoholnim i drugim pićima
52.26	52.260	Trgovina na malo duhanskim proizvodima
52.27	52.270	Ostala trgovina na malo hranom, pićima i duhanskim proizvodima u specijaliziranim prodavnicama
52.42	52.420	Trgovina na malo odjevnim predmetima
52.43	52.430	Trgovina na malo obućom i kožnim proizvodima
52.483		Trgovina na malo sportskom opremom
55.11	55.110	Hoteli i moteli sa restoranom
55.30	55.300	Restorani
55.40	55.400	Barovi
55.51	55.510	Kantine (menze)
55.52	55.520	Opskrbljivanje pripremljenom hranom (catering)
63.11	63.110	Pretovar tereta
63.12	63.120	Skladištenje robe
63.21	63.210	Ostale prateće djelatnosti u kopnenom saobraćaju
65.21	65.210	Finansijski zakup (leasing)
70.11	70.110	Stvaranje novih nekretnina
70.12	70.120	Kupovina i prodaja vlastitih nekretnina
70.20	70.200	Iznajmljivanje vlastitih nekretnina
70.32	70.320	Upravljanje nekretninama, uz naplatu ili po ugovoru
71.34	71.340	Iznajmljivanje ostalih mašina i opreme, d.n.
74.13	74.130	Istraživanje tržišta, ispitivanje javnog mnijenja
74.14	74.140	Savjetovanje u vezi sa poslovanjem i upravljanje
74.20	74.200	Arhitektonske i inženjerske djelatnosti i tehničko savjetovanje
74.40	74.400	Reklama i propaganda
74.60	74.600	Djelatnost traženja izgubljenih osoba i zaštita
74.70	74.700	Čišćenje svih vrsta objekata
74.84	74.840	Ostale poslovne djelatnosti, d.n.
92.20	92.200	Radijska i televizijska djelatnost
92.31	92.310	Umjetničko i književno stvaralaštvo i scensko izvođenje (reproduktivna umjetnost)
92.32	92.320	Djelatnost objekata za kulturne priredbe
92.33	92.330	Djelatnost sajмова i zabavnih parkova

92.34	92.340	Ostale zabavne djelatnosti, d.n.
92.61	92.610	Rad sportskih objekata
92.623		Ostale sportske djelatnosti
92.72	92.720	Ostale rekreacijske djelatnosti na drugom mjestu nepromenute
93.03	93.030	Djelatnosti vezane za poboljšanje fizičkog stanja i raspoloženja

Član 9.

Djelatnost Preduzeća u vanjsko-trgovinskom poslovanju glasi:

- Vanjska trgovina
- Vanjska trgovina prehrambenim proizvodima iz okvira registrovane djelatnosti
- Vanjska trgovina neprehrambenim proizvodima iz okvira registrovane djelatnosti
- Usluge u okviru registrovane djelatnosti
- Izvođenje investicionih radova u inozemstvu i ustupanje investicionih radova stranom licu u Bosni i Hercegovini
- Usluge međunarodnog transporta robe i putnika, pomorsko-tehničke usluge na moru i pomorju i druge usluge koje su u vezi sa međunarodnim transportom (međunarodna špedicija, skladištenje, agencijske usluge u transportu i sl.)
- Ugostiteljske i turističke usluge
- Prodaja strane robe sa konsignacionih skladišta
- Posredovanje i zastupanje u prometu roba i usluga
- Usluge faktoringa
- Vršenje servisnih usluga

Član 10.

Preduzeće može obavljati poslove samo u okviru djelatnosti upisane u sudski registar.

Preduzeće može obavljati i druge poslove koji se uobičajeno obavljaju uz djelatnosti upisane u sudski registar u obimu i na način koji su potrebni za poslovanje, a ne predstavljaju obavljanje tih poslova.

IV - SREDSTVA ZA RAD

Član 11.

Osnovni kapital Preduzeća čini novac, iskazan u novčanom iznosu od 10.000,00 KM odnosno 100% udjela. Osnovni iznos kapitala se ne može smanjivati ispod iznosa utvrđenog Zakonom.

Osnivač može u toku poslovne godine povećati vrijednost osnovnog kapitala novim ulaganjem.

Član 12.

Povećanje i smanjenje osnovnog kapitala vrši se na osnovu Odluke Osnivača.

Član 13.

Preduzeće može formirati fond rezervi za potrebe zaposlenih, a način i postupak njihovog formiranja kao i izdvajanje i korištenje sredstava utvrđuje se Statutom Preduzeća.

V - PRAVA, OBAVEZE I ODGOVORNOSTI U PRAVNOM PROMETU

Član 14.

Sredstva Preduzeća su u pravnom prometu.

Preduzeće u pravnom prometu zaključuje ugovore i vrši druge pravne poslove i radnje u okviru svoje pravne sposobnosti.

Član 15.

Preduzeće odgovara za svoje obaveze cjelokupnom imovinom Osnivača koja mu je data na korištenje, osim dobara u općoj upotrebi.

Preduzeće odgovara i za obaveze drugih društava preuzete ugovorom.

VI - ORGANI PREDUZEĆA

Član 16.

Organi preduzeća su:

- Skupština
- Nadzorni odbor
- Uprava (menadžment), kao organi upravljanja i
- Odbor za reviziju

Član 17.

Skupština odlučuje o:

- donošenju Statuta Preduzeća i njegovim izmjenama i dopunama,
- raspodjeli godišnje dobiti i pokriću gubitka,
- povećanju i smanjenju osnovnog kapitala,
- osnivanju novih preduzeća,
- planu poslovanja, investiranju i trajnoj poslovnoj saradnji, odnosno povezivanju sa drugim preduzećima,
- etičkom kodeksu i Poslovniku Skupštine,
- imenovanju i razrješenju Nadzornog odbora i Odbora za reviziju,
- usvajanju godišnjeg izvještaja Preduzeća koji uključuje finansijski izvještaj i izvještaj revizora, Nadzornog odbora i Odbora za reviziju,
- promjeni oblika i podjeli Preduzeća,
- naknadama članovima Nadzornog odbora i Odbora za reviziju,
- ostalim pitanjima u skladu sa Zakonom o privrednim društvima, Zakonom i Statutom Preduzeća.

Član 18.

Nadzorni odbor je nadležan da:

- nadzire rad Uprave i poslovanje Preduzeća,
- priprema i predlaže Etički kodeks, poslovničke i druge akte koje usvaja Skupština Preduzeća,
- imenuje i razrješava članove Uprave u skladu sa postupcima utvrđenim u Poslovniku, te važećim propisima;
- vrši izbor kandidata Odbora za reviziju i podnosi prijedlog za njegovo imenovanje Skupštini;
- razmatra provedbeni propis za postupak nabavke i nadzire njegovo poštivanje;
- daje mišljenje Skupštini o prijedlogu Uprave za raspodjelu profita,
- daje ovlaštenje za aktivnosti koje su ograničene na osnovu odredbi Zakona,
- daje upute direktoru za sprovođenje uviđaja u vezi sa uočenim nepravilnostima;
- odlučuje o ostalim pitanjima u skladu sa Zakonom o privrednim društvima, Zakonom i Statutom Preduzeća.

Član 19.

Vršenje neposrednog nadzora nad provođenjem pojedinih odredbi člana 19. Zakona (postupci odnosno interna kontrola) predsjednik Nadzornog odbora može da povjeri jednom od članova Nadzornog odbora i solidarno je odgovoran s tim članom u izvršenju zadatka.

Član 20.

Nadzorni odbor odgovoran je da nadzire Upravu u primjeni preporuka datih od Odbora za reviziju i vanjskog revizora u utvrđenim vremenskim rokovima.

Član 21.

Nadzorni odbor ima predsjednika i četiri člana. Prilikom imenovanja članova Nadzornog odbora primjenjivat će se odredbe Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03 i 34/03) i odredbe

Zakona o sukobu interesa u institucijama vlasti, Bosne i Hercegovine ("Službeni glasnik BiH", broj 13/02, 16/02, 14/03 i 12/04).

Predsjednik i članovi Nadzornog odbora imenuju se istovremeno na period od četiri godine.

Za predsjednika i člana Nadzornog odbora ne može biti imenovano lice kod kojeg postoje zapreke iz odredaba člana 260. Zakona o privrednim društvima.

Član 22.

Sjednica Nadzornog odbora održava se najmanje jednom u tri mjeseca.

Sjednicu Nadzornog odbora saziva predsjednik Nadzornog odbora.

Član 23.

Za održavanje sjednice Nadzornog odbora potreban je kvorum od dvije trećine ukupnog broja članova. Nadzorni odbor donosi odluke većinom glasova prisutnih članova.

Rad Nadzornog odbora će biti regulisan Poslovnikom o radu Nadzornog odbora.

Član 24.

Uprava vodi poslovanje i zastupa Preduzeće.

Pored nadležnosti utvrđenih Zakonom o privrednim društvima Uprava je nadležna i za:

- izvještavanje Nadzornog odbora na njegov zahtjev;
- provedbu Etičkog kodeksa;
- izradu i nadgledanje realizacije plana poslovanja;
- izradu Pravilnika i drugih provedbenih propisa za postupak nabavki i provedbu važećih zakona i propisa o postupku nabavki;
- pripremu prijedloga o raspodjeli profita;
- zapošljavanje i otpuštanje zaposlenika u skladu sa postupcima utvrđenim u Poslovniku i važećim zakonima.

Funkciju uprave vrši direktor i izvršni direktori Preduzeća. Statutom Preduzeća će se bliže urediti sastav Uprave.

Upravu bira Nadzorni odbor većinom glasova na osnovu javnog konkursa iz reda kandidata, koji najbolje odgovaraju za obavljanje poslova, a ne mogu imati funkciju u političkim strankama.

Direktor može vršenje neposrednog nadzora iz nadležnosti Uprave povjeriti izvršnom direktoru i solidarno je odgovoran s izvršnim direktorima za izvršenje povjerenog zadatka.

Član 25.

*Direktor predsjedava Upravom, rukovodi poslovanjem, zastupa i predstavlja Preduzeće i odgovara za zakonitost poslovanja.

Član 26.

Direktor Preduzeća je ovlašten da u ime Preduzeća zaključuje ugovore i vrši druge pravne poslove i radnje, kao i da Preduzeće zastupa pred sudom i drugim organima.

Direktor Preduzeća podnosi prijavu za upis u sudski registar i preduzima sve druge radnje vezane za registraciju Preduzeća.

Član 27.

Direktor Preduzeća može putem prokure prenijeti ovlaštenje na druga lica u Preduzeću ili van njega u skladu sa Zakonom o privrednim društvima.

Član 28.

Direktor Preduzeća organizuje i rukovodi procesom rada i vodi poslovanje Preduzeća, samostalno donosi odluke, zastupa Preduzeće u odnosima sa trećim licima i odgovoran je za zakonitost rada Preduzeća Osnivaču.

Član 29.

Izvršni direktori organizuju rad, zastupaju i predstavljaju Preduzeće i odgovaraju za zakonitost poslovanja u obimu koje im

odrediti direktor, a koje se utvrđuje posebnim rješenjem koje donosi direktor Preduzeća.

Član 30.

Direktor Preduzeća Suad Džindo, nastanjen u Sarajevu u ulici Marcela Šnajdera br. 9B zastupa i predstavlja Preduzeće u unutrašnjem i vanjskotrgovinskom prometu, bez ograničenja, do raspisivanja konkursa i imenovanja po konkursu.

Član 31.

Odbor za reviziju je dužan da:

- imenuje vanjskog revizora i direktora Odjela za internu reviziju, u skladu sa Zakonom,
- razmotri godišnju studiju rizika i plan revizije, u kojima su prikazane pojedinosti u pogledu rizičnih područja i reviziju koja će se izvršiti, te osigurati da prijavljena pitanja budu bez odlaganja i na odgovarajući način korigovana;
- osigura da Odjel za internu reviziju izvrši svoj posao u skladu sa planom revizije i izvršava svoje obaveze u skladu sa važećim standardima,
- osigura mjere da interna kontrola u Preduzeću bude adekvatna i efikasna,
- podnosi mjesečne izvještaje Nadzornom odboru Preduzeća o radu i preduzetim mjerama,
- konsultuje se sa glavnim revizorom u pogledu nezavisne revizorske organizacije ili strukovne stručne grupe koja vrši stručno unutrašnje ocjenjivanje Odjela za internu reviziju svake dvije do tri godine;
- osigura da Odjel za internu reviziju obavlja svoju obavezu u skladu sa međunarodnim revizorskim standardima.

Odbor za reviziju je dužan svoje nadležnosti vršiti u skladu sa odredbama Zakona i Zakona o privrednim društvima.

VII - UNUTRAŠNJA ORGANIZACIJA PREDUZEĆA

Član 32.

Preduzeće posluje kao jedinstven pravni subjekt, a može imati svoje podružnice koje će u pravnom prometu istupati u ime i za račun Preduzeća u granicama ovlaštenja koje dobije od Osnivača.

Unutrašnja organizacija Preduzeća utvrdit će se Statutom Preduzeća.

VIII - USLOVI ZA OBAVLJANJE VANJSKOTRGOVINSKE DJELATNOSTI

Član 33.

Preduzeće vanjskotrgovinsku djelatnost obavlja u skladu sa važećim odredbama Zakona o vanjskotrgovinskom poslovanju, pridržavajući se dobrih poslovnih običaja i poslovnog morala sa pažnjom dobrog privrednika.

Preduzeće je posebno dužno da u spoljnotrgovinskom poslovanju vodi računa o zaštiti ugleda i interesa Bosne i Hercegovine.

IX - PRAVA I OBAVEZE OSNIVAČA I ZAPOSLENIKA

Član 34.

Preduzećem upravlja Skupština.

Prava i obaveze Skupštine Preduzeća vrši Osnivač.

U ime Osnivača prava i obaveze Skupštine Preduzeća vrši Vlada Kantona Sarajevo.

Član 35.

Zaposlenici ostvaruju svoja prava u skladu sa važećim zakonskim propisima, kolektivnim ugovorima i aktima Preduzeća.

Ugovorom o radu uredit će se prava, obaveze i odgovornosti zaposlenika Preduzeća u skladu sa važećim zakonima, kolektivnim ugovorima i aktima Preduzeća.

X - PLANIRANJE POSLOVANJA I RAZVOJA I POSLOVNE KNJIGE PREDUZEĆA

Član 36.

Preduzeće planira svoje poslovanje i razvoj i odlučuje o vršenju, vrsti i sadržini planova poslovanja i razvoja Preduzeća.

Preduzeće planiranje poslovanja i razvoja prilagođava ciljevima radi kojih je osnovano i uvjetima djelovanja zakonitosti tržišta.

Član 37.

Preduzeće donosi godišnje planove poslovanja.

Preduzeće će usaglašavati trogodišnji plan poslovanja sa kretanjima uvjeta poslovanja, odnosno vršiti revidiranje trogodišnjeg plana na godišnjem nivou.

Član 38.

O radu i poslovanju Preduzeća vode se poslovne knjige u skladu sa Zakonom.

Preduzeće je dužno da za svaku poslovnu godinu, u skladu sa važećim zakonskim propisima, sastavi periodični obračun i završni račun.

XI - UTVRĐIVANJE I RASPOREĐIVANJE DOBITI

Član 39.

Utvrdjivanje prihoda, rashoda i rezultata poslovanja vrši se polugodišnjim i godišnjim obračunom u skladu sa Zakonom.

Član 40.

Dobit koja ostaje Preduzeću predstavlja neto (čistu) dobit.

Neto dobit je finansijski rezultat poslovanja Preduzeća u toku poslovne godine, koja se dobije poslije odbitka svih troškova poslovanja i svih davanja po osnovu doprinosa, poreza i drugih finansijskih tereta.

Član 41.

Osnivač na kraju poslovne godine odlučuje o raspodjeli dobiti u skladu sa Zakonom.

Član 42.

Ako Preduzeće u poslovanju po završnom računu iskaže gubitak, taj gubitak će se prvenstveno pokriti iz sredstava Preduzeća, koja se u skladu sa propisima mogu koristiti za pokrivanje gubitka.

Ukoliko se gubitak ne može pokriti iz sredstava Preduzeća pokreće se postupak u skladu sa Zakonom.

XII - OPĆI AKTI PREDUZEĆA

Član 43.

Opći akti Preduzeća su Statut i drugi akti kojima se na opći način regulišu odnosi u Preduzeću.

Preduzeće je obavezno da u roku od 60 dana od donošenja ove Odluke donese Statut Preduzeća.

XIII - TRAJANJE I PRESTANAK PREDUZEĆA

Član 44.

Preduzeće je osnovano na neodređeno vrijeme i traje dok postoje ekonomski i zakonski uvjeti za njegovo postojanje.

Preduzeće prestaje:

- odlukom Osnivača,
- u slučajevima predviđenim Zakonom.

XIV - NAČIN IZMIRENJA TROŠKOVA USKLAĐIVANJA STATUSA PREDUZEĆA I POSLJEDICE NEUSPJELOG USKLAĐIVANJA

Član 45.

Troškove usklađivanja statusa Preduzeća snosi Preduzeće.

XV - PRELAZNE I ZAVRŠNE ODREDBE

Član 46.

Na pitanja koja nisu regulisana odredbama ove Odluke shodno se primjenjuju odredbe Zakona i Zakona o privrednim društvima.

Član 47.

Stupanjem na snagu ove Odluke prestaje primjena Odluke o usklađivanju statusa društva sa Zakonom o privrednim društvima broj 01/00 25. 12. 2000. godine.

Član 48.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-14765/06
5. aprila 2006. godine
Sarajevo

Predsjedavajuća
Skupštine Kantona Sarajevo
Meliha Alić, s. r.

Na osnovu člana 18. stav 1. tačka b.) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), a u skladu sa članovima 2. i 3. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05), članom 79. stav 1. i članom 91. Zakona o veterinarstvu ("Službene novine Federacije BiH", broj 46/00) i Odlukom o standardnoj klasifikaciji djelatnosti u Federaciji Bosne i Hercegovine ("Službene novine Federacije BiH", broj 28/98, 36/98 i 47/98), Skupština Kantona Sarajevo, na sjednici od 5. aprila 2006. godine, donijela je

ODLUKU

**O IZMJENAMA I DOPUNAMA ODLUKE O
USKLAĐIVANJU STATUSA JAVNOG PREDUZEĆA
"KANTONALNA VETERINARSKA STANICA
SARAJEVO" SA ZAKONOM O JAVNIM
PREDUZEĆIMA U FEDERACIJI
BOSNE I HERCEGOVINE**

Član 1.

U članu 8. Odluke o usklađivanju statusa Javnog preduzeća "Kantonalna veterinarska stanica Sarajevo" sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", broj 30/05) briše se šifra: "52.31.52.310 Apoteke, izdavanje i spravljanje lijekova po recepturi".

Član 2.

Iza člana 8. dodaje se novi član 8a. koji glasi:
"Preduzeće na osnovu člana 91. tačke 15. i 17. Zakona o veterinarstvu ("Službene novine Federacije BiH", broj 46/00) obavlja sljedeće djelatnosti:

- vrši uvoz i izvoz, promet na veliko i malo veterinarskih lijekova, vakcina, seruma i dijagnostičkog materijala, veterinarske, medicinske opreme i instrumenata u skladu sa Zakonom o lijekovima koji se upotrebljavaju u veterinarstvu ("Službene novine Federacije BiH", broj 15/98), sredstava za dezinfekciju, dezinfekciju i deratizaciju i radiološku dekontaminaciju opreme i sredstava za unapređenje stočarstva, stočne hrane i dodataka stočnoj hrani, aditiva živih životinja i jajnih ćelija, sredstava i opreme za kućne ljubimce, egzotiku i akvaristiku.
- obavlja propisane veterinarsko - zdravstvene preglede živih životinja, životinja namijenjenih za klanje, pregled mesa i organa zaklanih životinja, namirnica životinjskog porijekla u unutrašnjem prometu, proizvodnji i skladištenju".

Član 3.

Član 46. mijenja se u cijelosti i glasi:
"Ova Odluka stupa na snagu danom objavljivanja u "Službenim novinama Kantona Sarajevo".

Član 4.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-14766/06
5. aprila 2006. godine
Sarajevo

Predsjedavajuća
Skupštine Kantona Sarajevo
Meliha Alić, s. r.

Na osnovu člana 18. stav 1. tačka b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04) i člana 5. tačka 1. Odluke o osnivanju Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe ("Službene novine Kantona Sarajevo", broj 13/98, 13/99, 10/05, 20/05 i 26/05) i člana 161. stav 4. Poslovnika Skupštine Kantona Sarajevo ("Službene novine Kantona Sarajevo", broj 12/05), Skupština Kantona Sarajevo, na sjednici od 5. aprila 2006. godine, donijela je

ODLUKU

**O DAVANJU SAGLASNOSTI NA ODLUKU O IZMJENI I
DOPUNI STATUTA FONDA KANTONA SARAJEVO ZA
IZGRADNJU STANOVA ZA ČLANOVE PORODICA
ŠEHIDA I POGINULIH BORACA, RATNE VOJNE
INVALIDE, DEMOBILIZIRANE BORCE I
PROGNANE OSOBE**

I

Daje se saglasnost na Odluku o izmjeni i dopuni Statuta Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe.

II

Ova Odluka će se objaviti u "Službenim novinama Kantona Sarajevo".

Broj 01-05-14767/06
5. aprila 2006. godine
Sarajevo

Predsjedavajuća
Skupštine Kantona Sarajevo
Meliha Alić, s. r.

Na osnovu člana 18. stav 1. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 14/00, 4/01 i 28/04) i člana 39. stav 1. alineja 6. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", broj 4/04), Skupština Kantona Sarajevo, je na sjednici od 5. aprila 2006. godine, donijela

ODLUKU

**O DAVANJU SAGLASNOSTI NA PROGRAM RADA
JAVNE USTANOVE "SLUŽBA ZA ZAPOSŁJAVANJE
KANTONA SARAJEVO" SARAJEVO ZA 2006. GODINU**

I

Daje se saglasnost na Program rada Javne ustanove "Služba za zapošljavanje Kantona Sarajevo" Sarajevo za 2006. godinu.

II

Ova Odluka će se objaviti u "Službenim novinama Kantona Sarajevo".

Broj 01-05-14769/06
5. aprila 2006. godine
Sarajevo

Predsjedavajuća
Skupštine Kantona Sarajevo
Meliha Alić, s. r.